

**საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტი
ბრძანება N 01-02/66**

ქ. ბათუმი

16 მარტი, 2022 წ.

**2022 წლის მარტში ბსუ-ს იურიდიული და სოციალურ მეცნიერებათა
ფაკულტეტის აკადემიური პერსონალის შესარჩევი ღია კონკურსის ჩატარების
უზრუნველსაყოფად გასატარებელი ღონისძიებების შესახებ**

„უმაღლესი განათლების შესახებ“ საქართველოს კანონის 22-ე მუხლის, ბსუ-ს წესდების მე-13 მუხლის, „საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის აკადემიური პერსონალის სამსახურში მიღების წესის დამტკიცების თაობაზე“ ბსუ-ს წარმომადგენლობითი საბჭოს 2017 წლის 27 ივლისის N04 გადაწყვეტილების, „ბსუ-ს იურიდიული და სოციალურ მეცნიერებათა ფაკულტეტის აკადემიური პერსონალის დასაკავებლად ღია კონკურსის გამოცხადების შესახებ“ ბსუ-ს რექტორის 2022 წლის 15 თებერვლის N 01-02/47 ბრძანების საფუძველზე

ვბრძანებ:

1. 2022 წლის მარტში ბსუ-ს იურიდიული და სოციალურ მეცნიერებათა ფაკულტეტის აკადემიური პერსონალის შესარჩევი ღია კონკურსის ჩატარების უზრუნველსაყოფად გატარდეს შემდეგი ღონისძიებები:

1.1. დამტკიცდეს საკონკურსო დოკუმენტაციის მიმღები საპროცედურო კომისია შემდეგი შემადგენლობით:


- ა) ხათუნა ხალვაში - საქმისწარმოების სამსახურის (კანცელარია) უფროსი, თავმჯდომარე);
- ბ) დარეჯან ბარაბაძე - საქმისწარმოების სამსახურის (კანცელარია) მთავარი სპეციალისტი, თანაშემწე
- გ) დალი კახიძე - საქმისწარმოების სამსახურის (კანცელარია) წამყვანი სპეციალისტი.

1.2. საპროცედურო კომისია ვალდებულია:

- ა) საპროცედურო კომისიის სამუშაო ოთახში (ქ. ბათუმი, ნინოშვილის/რუსთაველის N35/32, პირველი კორპუსის მეორე სართულზე, N2 ოთახი) მიიღოს საკონკურსო დოკუმენტაცია 2022 წლის 18 მარტიდან 19 მარტის ჩათვლით, 10:00 საათიდან 16:00 საათამდე (მატერიალური სახით წარმოდგენილი დოკუმენტაცია კომისიის მიერ მიღებული იქნეს მას შემდეგ, როცა დადასტურდება ელექტრონული სახით გადმოგზავნილი ამ დოკუმენტაციის მიღება (მისამართზე - bsukonkursi2021@bsu.edu.ge);
- ბ) საპროცედურო კომისიაში მიღებული დოკუმენტაცია, შესაბამის საკონკურსო კომისიას გადასცეს არაუგვიანეს 2022 წლის 19 მარტის 18 სთ-სა;

- გ) დარეგისტრირებული განცხადებების (საკონკურსო ადგილი და კონკურსანტები) შესახებ ინფორმაცია განათავსოს ბსუ-ს ვებგვერდზე;
- დ) კონკურსანტთა საჩივრები (ასეთის არსებობის შემთხვევაში) მიიღოს საკონკურსო კომისიის შემაჯამებელი ოქმის გამოქვეყნებიდან არაუგვიანეს მე-3 სამუშაო დღისა, 10:00 საათიდან 16:00 საათამდე;
- ე) ელექტრონულ მისამართზე - bsukonkursi2021@bsu.edu.ge) გადმოგზავნილ კონკურსანტთა დოკუმენტაცია შეინახოს ელექტრონულ მატარებელზე და საჭიროების შემთხვევაში მიაწოდოს საკონკურსო/სააპელაციო კომისიას;
- ვ) შემოსული საჩივრები, იმავე სამუშაო დღის 17:00 სთ-მდე გადასცეს სააპელაციო კომისიას, მათი შემოტანიდან 3(სამი) კალენდარული დღის განმავლობაში განხილვის უზრუნველსაყოფად, მაგრამ არაუგვიანეს 2022 წლის 27 მარტის 18:00სთ-სა;
- ზ) საპროცედურო, საკონკურსო და სააპელაციო კომისიების მუშაობის პერიოდში, 2022 წლის 18 მარტიდან - 2022 წლის 27 მარტის ჩათვლით (სააპელაციო კომისიის ბოლო სამუშაო დღე), გაუწიოს მათ საკონსულტაციო მომსახურება და მიაწოდოს სამუშაო მასალა (რექტორის ბრძანებით დამტკიცებული ფორმები);
- თ) სააპელაციო კომისიის თხოვნის საფუძველზე, გამოცხადდეს ამ კომისიის სხდომაზე და მისცეს განმარტებები, თუკი აღნიშნული უკავშირდება კონკურსანტის მიერ გასაჩივრებულ საკონკურსო პროცედურებს;
- ი) უფლებამოსილების განხორციელებისას იხელმძღვანელოს „საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის აკადემიური პერსონალის სამსახურში მიღების წესის დამტკიცების თაობაზე“ ბსუ-ს წარმომადგენლობითი საბჭოს 2017 წლის 27 ივლისის N04 გადაწყვეტილების, „ბსუ-ს იურიდიული და სოციალურ მეცნიერებათა ფაკულტეტის აკადემიური პერსონალის დასაკავებლად ღია კონკურსის გამოცხადების შესახებ“ ბსუ-ს რექტორის 2022 წლის 15 თებერვლის N 01-02/47 ბრძანებისა და წინამდებარე ბრძანებით.
2. ეთხოვოს ადმინისტრაციის ხელმძღვანელს უზრუნველყოფილი იქნეს საპროცედურო, საკონკურსო და სააპელაციო კომისიები წინასწარ გამოყოფილი სამუშაო ოთახებით, რომლებიც აღჭურვილი იქნება შესაბამისი ინვენტარით.
 3. ბრძანება დაეგზავნოს რექტორის აპარატს, რექტორის მოადგილეებს, ადმინისტრაციის ხელმძღვანელს, საქმისწარმოების სამსახურს (კანცელარია), საინფორმაციო ტექნოლოგიების სამსახურს, იურიდიულ დეპარტამენტს, იურიდიული და სოციალურ მეცნიერებათა ფაკულტეტს, კომისიის წევრებს და გამოქვეყნდეს უნივერსიტეტის ოფიციალურ ვებგვერდზე (კონკურსების ველში).
 4. ბრძანება ამოქმედდეს ხელმოწერისთანავე.
 5. ბრძანება შეიძლება გასაჩივრდეს ვებგვერდზე გამოქვეყნებიდან ერთი თვის ვადაში ბათუმის საქალაქო სასამართლოში (ქ. ბათუმი, ზუბალაშვილის ქუჩა N30).

რექტორი, პროფესორი



მერაბ ხალვაში